

**Uunga siunnersuut:**

**Nunami inuussutissarsiutinut tunngatillugu inuussutissarsiorermik siuarsaneq  
pillugu Inatsisartut inatsisaata allanngortinneqarnera pillugu Inatsisartut inatsisaat.**

(Annikitsunik taarsigassarsititsisarnermik aaqqissuussinermi atorunnaarsitsinissamik  
ulluliinerup atorunnaarsinneqarnera, qinnuteqartnunut piumasaqaatinik  
sakkukinnerulersitsineq, pisortanut annertuunik akiitsulinnut tapiissuteqartarnerup  
killilerneqarnerata atorunnaarsinneqarnera aamma allatigut oqaasertalersuinerni allannguutit  
annikitsut)

**pillugu**

**Inuussutissarsiorermut Aatsitassanullu Ataatsimiitaliap  
siunnersuutip aappassaaneerneqarneranut**

**ISUMALIUTISSISSIONAA**

Ataatsimiitaliap suliarinninnermini ilaasortarai:

Inatsisartunut ilaasortaq Karl Tobiassen, Siumut, Formand  
Inatsisartunut ilaasortaq Benttiaraq Ottosen, Atassut, Siulittaasup tullia  
Inatsisartunut ilaasortaq Kristian Jerimiassen, Inuit Ataqatigiit,  
Inatsisartunut ilaasortaq Mariane Paviaisen Jensen, Inuit Ataqatigiit  
Inatsisartunut ilaasortaq Lars Poulsen, Siumut  
Inatsisartunut ilaasortaq Kuno Fencker, Siumut  
Inatsisartunut ilaasortaq Pele Broberg, Naleraq

2024-imi ulloq 1. oktober 2024-mi siullermeerinninnerup kingorna ataatsimiitaliap siunner-  
suut misissorpaa.

**Siunnersuutip imarisaa siunertaalu**

Nunami inuussutissarsiutinut tunngatillugu inuussutissarsiorermik siuarsaneq pillugu  
Inatsisartut inatsisaata allanngortinneqarnissaanik annikitsumik taarsigassarsisinnaanerup  
ataavartunngortinnissa siunnersummi aallaaviuvoq.

Taanna Inatsisartut aalajangigaannik UKA2016/48-mik tunngaveqarpoq, taanna malillugu  
aallarnisaasunut suliffeeqqanillu ingerlatsisunut aningaaserivitsigut aqqutit nalinginnaasut  
atorlugit taarsigassarsisinnaanngitsunut annikitsumik taarsigassarsisitsinermik ukiuni  
sisamani misiligtitut aaqqissuussinissaq anguniarlugu inatsisissatut siunnersummik  
suliaqaqqullugit Naalakkersuisut peqquneqarput.

Annikitsumik taarsigassarsisitsinernut aaqqissuussineq piffissami 1. januar 2018-imit 1. januar 2022-mut ukiuni sisamani misiligutitut aaqqissuussinertut atuuppoq. Inatsisartut inatsisaannut nr. 27, 17. november 2017-imeersumut oqaaseqaatini, taanna malillugu annikitsumik taarsigassarsisitsinernut aaqqissuussineq atuutsinneqalerluni, annikitsumik taarsigassarsisitsinernut aaqqissuussineq ingerlatiinnarneqassanersoq pillugu naliliinissaq siunertalarugu piffissami misiliiffiusup naanerani misiligummik aaqqissuussinerup nalilerneqarnissaa naatsorsuutigineqarpoq.

NALIK Ventures A/S-ip 2023-ip ukiaanerani naliliinera malillugu annikitsumik taarsigassarsitsisarneq iluatsilluarsimasutut isigineqarpoq. Taamaattumik annikitsumik taarsigassarsisitsisarnermik aaqqissuussineq ingerlatiinnarneqassasoq siunnersuutigineqarpoq, soorluttaaq piffissami misiliiffiusumi annikitsumik taarsigassarsisitsisarnermik aaqqissuussisarnermut aningaasanut inatsimmit ukiumut aningaasanik 500 t.kr.-inik immikkoortitsisoqartarnissaa siunniunneqartoq.

Qinnuteqartunut piumasaqaatit sakkukillisineqarnissaat tamassuma avataatigut siunnersuummi siunertarineqarpoq. Ilanngullugulu siunnersuutigineqarpoq qinnuteqaateqartut pisortanut annertuunik akiitsoqartut Inatsisartut inatsisaat tunngavigalugu tapiiffigineqarsinnaanermut periarfissaqartinneqartassasut. Aammattaaq naliliisoqarpoq naammattoq tapiissuteqarnissamik neriorsuinermi niuernikkut pilersaarusiap atorsinnaassusiata naliliivigineqarnissaa.

Ingerlatsinermi aningaasarsiornikkut naliliinermi maannakkumut qinnuteqartup fagitigut, pisortatut pikkoriffigisai aamma piginnaaneri aamma qinnuteqartup aningaasaqarnera ilanngunneqartarput. Suliffeqarfiit assigiinngitsut inatsimmi aamma ilaatinneqarnissaat siunnersuutaavortaaq.

## **2. Siunnersuutip Inatsisartunit siullermeerneqarnera**

Siunnersuummi allannguutissat malitsigisassaat taperserneqarluarput. Siunnersuutili imarisatailaat suli suliarineqaqqittariaqarneri pisariaqartinneqartut oqaatigineqarpoq. Tamanna tunngavigalugu siunnersuut aappassaaneerneqannginnerani Inuussutissarsiornermut Aatsitassanullu ataatsimiitaliamit suliarineqartussanngorlugu ingerlateqqinnejqarpoq.

## **3. Tusarniaanermiit akissutit**

Siunnersuut piffissami ulloq 30. april 2024-miit – 28. maj 2024-mut tamanut ammasumik Namminersorlutik Oqartussat tusarniaasarnermut nittartagaanni takuneqarsinnaapput.

Ataatsimiitaliaq siunnersuummik matuminnga suliarinninnermini atugassatut tusarniaanermut akissutit assilinerinik pissarsiniarpoq. Inatsisartut Siulittaasoqarfiaita iluserititassatut piumasaqaatai naapertorlugit tusarniaanermut akissutit inatsisissatut siunnersuummut ilanngunneqarsimapput.

Tusarniaanermiit akissutet inatsisissatut siunnersuut ajunngitsumik isummerfigisimagaat ataatsimiitaliamit maluginiarneqarpoq.

#### **4. Apeqqutit**

Ataatsimiititaliap siunnersuummik suliarinninneranut atugassatut apeqquutit arlallit akissuteqarfigeqqullugit Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq ataatsimiititaliamit qinnuigineqarpoq. Ataatsimiititaliap apeqqutaasa aammalu Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisup akissutaasa assilineri isumaliutissiisummut matumunnga ilanngussatut ilanngunneqarput.

#### **5. Ataatsimiititaliap siunnersuummik suliarinninnera**

Annikitsumik taarsigassarsisitsinermik aaqqissuussinermik nalilersuinermi aaqqissussap iluatsilluarsimasutut nalilerneqarsimasoq Naalakkersuisunit ilisimatissutigineqartoq ataatsimiititaliamit maluginiarneqarpoq. Taarsigassarsisimasut aningaasat atorsimasatik taarsertarpaat aallarnisaasullu mikinerit suliffeqarfiillu mikisut aaqqissuussinermik atuisimasut ineriartortut tassani takuneqarsinnaavoq.

Inatsisit matuma allanngortinneqarnerata kingunerisaanik paasisitsiniaanermik aallartitsisoqarnissaa pisariaqartoq siullermeerinninnermi oqaatigineqarnera ataatsimiititaliamit maluginiarneqarpoq.

Aallarnisaasut suli pitsaanerusumik periarfissaqarnissaannik Naalakkersuisut siunertaqarnerat amerlanernik taperserneqarnera ataatsimiititaliamit maluginiarneqarpoq. Siullermeerinninnermi tusarniaanermillu akissutit ilaannit aningaasaliinerit 500.000 kr.-niniit amerlanerunerunissaat oqaatigineqarmat ataatsimiititaliamit maluginiarneqarpoq.

Inatsisartut inatsisaanni atuuttumi § 8, imm. 2-mi aalajangersarneqarpoq tapiiffigineqarnissamik neriorsorneqarsinnaassagaanni pissarsisussaq imaluunniit aqutsisuni imaluunniit siulersuisuni inuk aqutsisuusoq akileraartarnermi inatsimmik annertuumik unioqqutitsisimasutut imaluunniit Kalaallit Nunaanni pinerluttulerinermi inatsimmi aningaasarsiornermi pinerluuteqarnermut aalajangersakkanik unioqqutitsinermut pineqaatissinneqarsimassanngitsoq imaluunniit pisortanut amerlasuunik akiitsoqassanngitsoq.

Inatsisisatut siunnersuummi Naalakkersuisunit saqqummiunneqartumi pissarsisussap imaluunniit aqutsisuni imaluunniit siulersuisuni inuup aqutsisuusup pisortanut amerlasuunik akiitsoqannginnissaanik piumasaqaat peerneqarpoq.

Siullermeerinninnermi tamatuma ataatsimiititaliamit suliarineqarnissaa kissaatigineqarmat ataatsimiititaliamit maluginiarneqarpoq.

Pissutsit taakku ataatsimiitaliamit oqallisigineqarput Naalakkersuisunullu itisilerutaasunik apeqquteqartoqarluni. Tassunga atatillugu Naalakkersuisut 11. november 2024-mi akissutaat innersuussutigineqarpoq, ilanngussaq 1.

Innuttaasut pisortanut akiitsui annertoqaat ajornartorsiullu annertusiartortuarluni, akiitsullu ullumikkut 1 milliard kr.-it sinnersimallugit. Ataatsimiitaliami amerlanerussuteqartut Inuit Ataqatigiit, Siumut Atassullu isumaqarput innuttaasunut akiitsuminnik ilungersorlutik akiliiniartartunut eqqortuliqnerussanngilaq pisortat innuttaasunut suliffeqarfinnullu akiitsut eqqarsaatigalugit pisussaaffimmink naammassinnissimanngitsunut taarsigassarsisitsisassappata.

Tamanna tunngavigalugu ataatsimiitaliami amerlanerussuteqartut **allannguutissatut siunnersummik** saqqummiussippu. Allannguutissatut siunnersuutip kingunerissavaa § 8, imm. 2-mi tapiiffigineqarnissamik neriorsuuteqarsinnaanermut piumasaqaatit atuuttut ingerlateqqinneqassammata, pisortanilli akiitsut eqqarsaatigalugit oqilisaassisqarluni, pisortanut annertuunik akiligassanngorsimasunik akiitsoqarneq kisimi qinnuteqartup tapiiffigineqarsinnaaneranut aporfiulissalluni.

Allannguutissatut siunnersuut ass. inuusuttut aallarnisaasut ilinniagaqarnerminnullu atatillugu annertuumik akiitsoqalersimasut – ilinniarnermut atatillugu akiitsut akilersornissaannut pisussaaffimmik sumiginnaasimanngippata - ass. annikitsunik taarsigassarsinikkut tapiiffigineqarsinnaanerisa mattunneqannginnissaannik kissaateqarnermik tunngaveqarpoq.

Siunnersuutit arlallit nutserneqarnerat oqaatsitigut unammilligassaqarsimasoq Naalakkersuisunut eqqumaffigeqquneqarsimasoq Naalakkersuisut akissummi paasissutissiissutigigaat ataatsimiitaliamit maluginiarneqarpoq. Tamanna tunngavigalugu Naalakkersuisut siunnersuutip pingajussaanneerdeqannginnerani siunnersuutip matuma pitsaassusaa aamma qulakkeerniarpaat.

Siunnersummut oqaaseqaatini niuernermut pilersaarusiap pineqartup nalilersorneqarnerani pineqassapput piujuannartitsineq aamma niuernermut pilersaarusiap qanoq suliarilluagaatiginerata pingartinneqartarnissaat Naalakkersuisunit ilisimatitsissutigineqarmat ataatsimiitaliamit maluginiarneqarpoq. Niuernikkut pilersaarusiap qanoq imarisamigut immikkuualuttortaqtiginissaa eqqarsaatigalugu apeqqutaassaaq suliffeqarfiiup qanoq ittuunera. Taamaattumik niuernikkut pilersaarusiati qanoq imaqrnissaannik allaaserisat tamakkiisuunngillat.

Naggataatigut oqaaseqaatini marlunnik akissuteqarfigineqartariaqartunik ataatsimiitaliaq aamma maluginiagaqarpoq. Aappaa aallarnisaasut naqinnernik ilisarinissinnaanngitsut immersugassamik immersuinerminni ikiorneqarnissamut periarfissaannut tunngassuteqarpoq.

Aappa Nalik Venturesip sineriammi angalanerunissamut periarfissaannut tunngassuteqarpoq. Siunnersummut oqaaseqaatini nunatsinni siammasissumik aningaasaliissutaasartut oqaaseqaatini allaaserineqartut ataatsimiititaliamit maluginiarneqarpoq. Pissutsit taakku ataatsimiititaliamit oqallisigineqarput Naalakkersuisunullu itisilerutaasunik apeqquteqartoqarluni. Tassunga atatillugu Naalakkersuisut 11. november 2024-mi akissutaat innersuussutigineqarpoq, ilanngussaq 1.

Aappa Nalik Venturesip sineriammi angalanerunissamut periarfissaannut tunngassuteqarpoq. Siunnersummut oqaaseqaatini nunatsinni siammasissumik aningaasaliissutaasartut oqaaseqaatini allaaserineqartut ataatsimiititaliamit maluginiarneqarpoq.

## **6. Siunnersuutip aningaasatigut kingunerisassai**

Siunnersuutip piviusungortinnejarnissaanut aningaasatigut allaffissornikkullu kingunerisassat siunnersuutip nalinginnaasumik nassuaatini allaaserineqarput.

Siunnersuutip kingunerissavaa annikitsunik taarsigassarsitsisarnerup ingerlaannarnissaa, siunnersummit annikitsumik taarsersugassarsitsinermut aningasanullu inatsimmit immikkoortsinikkut aningaasalersorneqarnissaa. Aningaasanut inatsimmut 2025-mut ukiunullu tulliuttunut 500.000 kr.-nit imikkoortinnejartassasoq naatsorsuutigineqarpoq.

Tamatuma saniatigut aningaasanut inatsimmi ukiumoortumik aaqqissussap allaffissuutigineranut immikkoortsisoqartarnissaa naatsorsuutigineqarpoq. Annikitsumik taarsigassarsitsisarnermik aaqqissuussineq 2018-mi aallartinnejartoq, ingerlateqqinneqassaaq, taamaaliornikkut kommunit ilaatigut aningaasaliinissamut periarfissaqalissapput. Annikitsunik taarsigassarsitsisarnermik aaqqissuussinermi killiliussat 2018-imi atortuulersitsinermi atorneqassapput, taamalu kommunit ilaatigut periarfissaqassallutik aningaasaliissutissatut immikkoortitanik ilassusiisinnaanermik.

Aningaasaliissutaasimasut - immikkoortinnejarsimasut – ukumi ataatsimi attartortinnejarsimanngitsut ukiumut tullermut nuunnejartarsinnaassapput, taamalu aningaasaliissutaasinasutut killiliussat ukumi ataatsimi 500.000 kr.-iniit qaffasinnerusinnaallutik. Naaffeqartunik akilersuutit aamma erniat attartorteqqinneqarsinnaassapput. Aaqqissuussinerup atorunnaarsereerneratigut aaqqissuussineq sinnejartoofiuppat, taakkua nunatta karsianut nakkartinneqassapput, soorluttaaq nunatta karsiata annasaqartoqassagaluarpat annaasat nammattussaagai, allatut isumaqatigiitqarsimanngippat allaffissornikkut ingerlatsisullu aamma / imaluunniit kommunillu akornanni.

Siunnersuut periarfissaqartitsilissaq amerlanerusunik suliffeqarfinnut minnerusunut annikitsunik taarsigassarsitsisarnissamut. Tamatuma tapiissuteqartarnerni periarfissat inuussutissarsiortnunut annertusissavai, tamannalu naatsorsuutigineqarpoq suli inuussutissarsiortnunut ilorraanut sunniuteqassasoq. Inuussutissarsiortnermut tapiissuteqarfigineqarsinnaanermut piumasaqaatinik siornatigut atuussimasunik

siunnersuutikkut qasukkaasoqassaaq, taamaaliornikkut qinnuteqartut annertuumik akiitsoqaraluartut, inuussutissarsiornermut tapiissuteqarfingineqaannarnissamut periarfissaqarnissaannik matussusiisoqassanngilaq. Ataatsimiititaliamit tamanna oqaaseqarfingeqqissallugu tunngavissaqartinneqanngilaq.

## **7. Ataatsimiititaliap inassuteqaatai**

Ataatsimiititaliami amerlanerussuteqartut Inuit Ataqatigiit, Siumut Atassullu allannguutissatut siunnersummik saqqummiussipput.

Tamatut oqaaseqarluni isumaliutissiisummillu allassimasutut paasinnilluni ataatsimiitaliap siunnersuut matumuuna aappassaaniigassanngortippaa.

---

Karl Tobiassen  
Siulittaasoq

---

Bentiaraq Ottosen  
Siulittaasup tullia

---

Mariane Paviaesen Jensen

---

Kristian Jeremiassen

---

Lars Poulsen

---

Kuno Fencker

---

Pele Broberg